



Patrick Sydow a sobresali

**durante un Campeonato Sur Americano cu a tuma
luga recientemente na Venezuela**

E EKIPO di tennis di Aruba Junior Davis Cup ta preparando pa e ronda clasificatorio na El Salvador den algun siman. Durante e ultimo dos añaan aki, Aruba a caba na e di 3 y e di 2 luga den e torneo. Solamente un ekipo por clasifica entre 16 ekipo di Centro America y Caribe. Esaki no a yega di wordo gana pa Aruba, pero e aña aki nos isla ta e faborito pa clasifica.

Patrick Sydow, kende tin e ranking di number 1 na Aruba y actualmente ta number 1 na Sur America, lo hiba e ekipo pa un posibel victoria. E siman aki el a gana e campeonato Sur Americano COSAT sub 16, y e ta e unico atleta

masculino pa gana dos biaha tras di otro, ya cu aña pasa el a gana den e categoria di sub 14.

Esaki ta un logro grandi y e ta sirbi como un preparacion pa e JDC cu lo wordo hunga na El Salvador. Aruba ta un pais chikito pero e curason di e ekipo di Aruba Team ta mesun grandi cu cualkier di e otro 16 paisnan cu ta competiendo.

Aki por mira e momento cu Patrick a ricibi su torneo despues di su victoria contra Felipe Acosta di Argentina 2-6, 6-4, 7-6 (3) y un partido di tres ora.

